

十朝东华录

十朝集錄

秋七月甲戌朔命回城阿奇木伯克設立清文學校○甲申諭軍機大臣等富綱奏據騰越鎮州稟報有福建民人蔡元媽方賢二名從緬甸投出詢係五十年十二月內前往暹羅貿易被緬人裹往阿瓦上年國王孟順感激恩准開關查知伊等尚未回籍各給路費咨送進關等語緬甸國王孟順前因向化投誠籲請錫封通市朕俯念該國王恭順懷忱錫之寵命並准開關貿易以示懷柔今該國王戴恩施凡內地人民羈留在彼者俱給與盤費遣送進關其效順輸忱實可嘉尚著賞給蟒段二匹錦二匹大段二匹紗二匹大荷包一對小荷包二對用昭優獎著富綱派員齎至關外交該國頭目孟幹轉送該國王祇領並繕寫照會移知孟順以該國王資送內地人民回籍具見小心敬順經本督部堂據情奏達大皇帝垂鑒欽特加優賞國王益當恪守藩封永承恩眷也○己丑諭軍機大臣等書麟等奏伏汛水勢安瀾工程平穩一摺覽奏欣慰惟摺內稱洪澤湖水因頻得大雨淮水加長匯注洪湖高堰誌椿長至一丈零四寸等語聲敘總不明白又稱清口以下清黃併注甚為湍激徐城北門誌椿仍存新舊共長水一丈三寸更不成話河湖誌椿長水情形該督等自應將舊存底水若干尺新長若干尺分別聲明乃輒稱洪湖長水一丈有餘徐城黃河長水一丈二尺有餘竟似河湖各水暴漲一丈餘再加底水更不知若何浩瀚書麟等豈能設法抵禦此係向來河工陋習故作此語以為水勢盛長伊等搶護平穩更見籌畫有方前年六月內書麟蘭第錫奏報徐城誌椿長水一丈三尺六寸並不將舊存新長分敘經朕降旨訓諭並令嗣後將新長尺寸明白具奏不得仍前陋習該督等豈未接奉乃未久忘之復蹈故轍又為此牽混之詞甚屬非是況本日據李奉翰等奏黃河僅長水一尺三寸下游徐城誌椿長水尺寸自亦相仿何至陡長一丈二尺餘寸尤為錯謬且李奉翰所奏亦止將新長之水敘入並不牽連底水甚為明晰豈書麟蘭第錫兩人轉不如李奉翰之曉事耶蘭第錫人本蠢直或一時大意而書麟係素瑕錄用之人又復久任河工自應加倍細心勉力以冀稍贖前愆何漫不經心若此朕將伊復加擢用兩江總督時原慮其才短無用今即此奏報長水尺寸一端更可槩見書麟蘭第錫俱著嚴行申飭並將李奉翰等原摺鈔寄閱看至此次水勢不至十分漲盛各工保護平穩亦惟仰賴神佑若似書麟等如此糊塗其籌畫調度實不可恃見在伏汛雖過秋汛正長該督等益當嚴督在工人員慎之又慎敬謹巡防以期工程鞏固毋得稍有懈弛致干咎戾所有湖河誌椿究竟新長水若干舊存底水若干著書麟等即行分晰奏覆勿再牽混將此傳諭書麟蘭第錫並諭李奉翰知之尋奏徐城北門誌椿舊存底水一丈一尺四寸新長水一尺一寸見存水共一丈二尺五寸洪澤湖高堰誌椿舊存底水四尺四寸新長水六尺見存水共一丈四寸得旨其如識見不到萬更不用心何○癸巳諭昨據宗人府奏具勒縣從病故一摺自果恭親王福晉至縣從之妻三代嫡居縣從又無子嗣今縣從之書翰應承琛承襲但承琛一支竟至絕嗣承琛現在既有二子即將一子為承琛後承襲縣從之爵則承琛不至絕嗣而三代嫡婦均有依倚書派八阿哥阿桂即在縣從家面問伊祖母福晉可否如此辦理奏聞再降諭旨○丁酉諭刑部題覆浙江省

民人張雲濬與邱方玉之母湯氏妻曹氏通姦商同勒死邱方玉並曹氏畏罪自縊身死一案將湯氏照親母因姦謀死子女例實發伊犁給兵丁爲奴固屬照例辦理但細閱此案情節湯氏先與張雲濬調戲通姦被伊媳曹氏窺破恐其洩漏誘令張雲濬一併通姦後因曹氏戀姦情密商同張雲濬將邱方玉勒斃除謀殺親夫罪應凌遲之曹氏業經畏罪自縊外其親母湯氏雖係尊長致死卑幼然事起通姦並誘令伊媳一併姦宿復因伊子礙眼輒聽從伊媳同謀勒斃是與伊子邱方玉恩義已絕設或伊子別無兄弟子嗣遂令翁姑及伊夫絕嗣所關甚爲重大向例母親因姦謀死子女者不論是否造意俱發往伊犁給兵丁爲奴原以母子倫紀攸關不得與凡人一律問抵若其母身蹈邪淫罔顧廉恥已無夫婦之倫又安有母子之義朕思同一母子然又有親母繼母之別繼母因其子本非己出心懷殘忍謀死前妻之子情罪自爲更重若親母之於子究係所生卽或因姦致死與繼母自當有間亦應分別辦理近來各省題奏事件內間有逞兇斃命警不畏法之案出於情理之外然戾氣所鍾自古而有卽如文言釋坤初六曰之言可知周之時已有如此亂逆之事設無其事孔子不忍言也今世風日降人心更不如古無怪兇惡之徒竟至藐法蔑倫行同梟獍朕向來遇有此等素到之件因係蔑倫重案輒不加以疎批不惟不忍而且自慚民間風俗日下旣不能道德齊禮化養爲良俾不至身罹法網我君臣皆當引以爲愧惟在明刑救法重示創懲庶兇惡之徒稍知儆戒使之勉爲善良朕意各省如有母殺子女之案除尋常情節仍照向例辦理外其有因姦起意致令絕嗣者卽將其母問擬斬候入於秋審情實卽或伊子尚有子弟未至絕嗣仍當定以斬候永遠監禁遇赦不赦其繼母親母於情實中略予以句不句之分亦足以示輕重區別著大學士九卿將是否應如此辦理及如何分別之處悉心酌議具奏其邱湯氏一案俟大學士等詳議覆奏再行降旨尋議嗣後繼母因姦將前妻子女致死滅口者無論是否起意俱定爲擬斬監候仍查明伊夫如已絕嗣卽入於秋審情實若尚有子嗣將該犯婦永遠監禁遇赦不赦至親母因姦故殺子女之案亦不論是否起意俱請擬絞監候致令伊夫絕嗣者入於秋審情實卽不至絕嗣仍永遠監禁不准援赦若姦夫獨自起意謀殺其子以便往來姦婦雖未知情同謀但因姦令夫絕嗣者係繼母發往伊犁給兵丁爲奴親母發往各省給駐防兵丁爲奴如姦婦果不知情當時喊救事後告官或伊夫尚有子嗣及姦夫別因他故起釁自殺其子者姦夫仍按所犯本罪悉照本條律例辦理其嫡母有犯與親母同嗣母有犯與繼母同見在邱湯氏一犯查明伊子所生尙有一子卽遵照新定條例改擬具題從之○諭八阿哥阿桂遵旨往見蘇從之祖母據稱請以永琛之子蘇律給與永琛爲嗣等語代爲轉奏著照蘇從之祖母所請將永琛之長子蘇律與永琛爲嗣所有承襲之爵理應減等承襲貝子但果恭親王弘瞻係朕幼弟伊達禮後卽將郡王之爵秩襲與永琛及至蘇從延世未久相繼而亡朕心甚爲惻然著加恩蘇律仍承襲貝勒之爵侍養三代嫡婦以示朕憫卹之至意○辛丑諭軍機大臣等費淳奏請給價收買商銅以杜私鑄一摺內稱滇省辦銅各廠除抽課交官外向有一成二成准令通商之例商人雖保無影射收買私鑄漁利情弊應官爲收買每年可多獲銀一百餘萬斤以之添撥各省採買及鐵砂折耗鑪店底銅

之用等語此奏雖似爲該省杜絕私鑄起見其實該藩司以各省採買銅斤及鑪店底銅恐有欠缺故欲將此項商買餘銅歸官以作抵補之用止係一偏之見未經通盤籌畫所謂知其一不知其二也銅斤爲民間必需之物不能一日缺少即使廠中稍有偷漏爲數亦屬無多若將各廠抽課各官所贖餘銅槩行禁止商民售賣則民間所用之銅從何而出不特銅價因此昂貴而小民等需用孔亟必致將官錢私行銷毀改鑄銅器即錢價亦必因之倍增况現在滇省各廠所產銅斤尙屬旺盛每年額運合起俱係依限開幫並無短絀遲誤即民間錢價亦俱平減本無庸懸慮過慮若如該藩司所奏是名爲設法調劑而轉使私銷益甚弊實叢生况杜絕私鑄之弊惟在地方官實力查禁今不於此悉心整頓而以禁止商買餘銅爲正本清源之計恐防弊而實以滋弊且使該處商民知有此事必將銅斤豫爲擡價居奇銅價既貴則錢價自增於閭閻日用諸多不便所關非細民可使由不可使知費濫何見不及此耶此事當再加詳酌富綱譚尙忠久任滇省於銅務自所熟習著伊二人會同悉心妥議據實奏覆想該督撫意見亦與朕大略相同也將此傳諭富綱譚尙忠知之並將此旨及原摺發交在京大學士九卿閱看

八月甲寅 上御山莊宮門觀射 皇孫質郡王齡慶年十三中三矢賜黃褂三眼花翎 皇元孫載錫年八歲中三矢賜黃褂雙

眼花翎 御製誌喜詩○戊午 上自避暑山莊巡幸木蘭行圍○甲子 上行圍 皇孫 宣宗皇帝年十歲中鹿賜黃褂雙眼

花翎 御製威遜格爾行圍誌喜詩曰 堯年避暑幸 慈甯輝室安居聰敬聽老我策驄向武服幼孫中鹿賜花翎是宜誌事成

七律所喜爭先早二齡 家法承遵赫奕業承 天恩凱慎儀刑○駐藏辦事大臣保泰雅滿泰奏據喇嘛噶布倫稟稱六月二十

四日行至聶拉木給信與廓爾喀商議舊時未完債項七月初六日廓爾喀頭人帶領七十餘人至聶拉木次早廓爾喀頭人等領

兵千餘向聶拉木進發我等見來人甚眾一時不能禁止將彼處橋梁拆毀廓爾喀疑斷其歸路混放鳥槍致相爭鬪廓爾喀即占

據聶拉木將噶布倫戴綱等俱圍在彼處臣等隨遣都司嚴廷良迅赴聶拉木查問起釁緣由並委戴綱敏珠爾多爾濟帶領唐古

特兵丁飛往救應臣保泰調達木兵五百名酌帶綠營兵丁至扎什倫布安撫人眾論軍機大臣等據保泰等奏廓爾喀將噶布倫

戴綱誘去圍在聶拉木處敢占據地方保泰見往後藏酌辦並稱成德亦願前往廓爾喀係歸降外夷何遽敢肆行滋擾從前鄂輝

成德巴忠辦理藏務時若將債欠查明清還自可久遠甯謐乃令糊辦交噶布倫私自還給唐古特性本項屑復不照原議給發致

有此事若差去之噶布倫能知事體輕重與廓爾喀理諭限期還給則廓爾喀亦不敢占據滋事止因丹津班珠爾見廓爾喀人眾

心存懼怯退回拆橋廓爾喀見橋已拆毀懷疑生變其情形可想而知保泰聞信即赴後藏如已查明辦竣固屬甚好儻若暫且不

能完事鄂輝距彼甚近自可不時聞信成德人稍羈率未經歷練應令鄂輝前往爲安亦不必多帶兵丁不過於伊所管綠營內揀

選五十人帶去已足敷用鄂輝係總管大臣前往廓爾喀自必聞風瞻落西藏見有達木蒙古兵丁若再有需用之處內地相去萬

遠可於土練番兵內就近調取千餘名不獨順便且較爲得力著鄂輝探聽西藏信息相機妥辦再保泰奏廓爾喀僱募掠進攻即

將班禪額爾德尼移於前藏所奏亦屬太過班禪額爾德尼在扎什倫布則心安帖儻一動移後藏人必致紛紛擾亂不成事體況廓爾喀既侵後藏亦必能侵前藏彼時又將移達賴喇嘛班禪額爾德尼於何地保奉止可靜守斷不可輕移妄動致感眾心如實有變萬不得已不得不移則又不必拘泥此旨再廓爾喀前經悔罪歸順封錫王公膺受恩典唐古特縱有欠項約亦當訴知駐藏大臣懇求判斷自能代伊查辦並將失信之噶布倫加以責處乃並不呈明駐藏大臣竟擅自圍住聶拉木大肆猖狂著鄂輝保泰多寫示帖嚴行曉諭以前歲爾等與藏內失和任意侵掠天朝曾發兵進討因爾等悔懼歸誠貸其既往封爵優隆今爾等不知感恩又復滋擾大兵即時雲集爾等自問能抗拒乎縱再俾心降順泥首籲求亦恐難邀寬免矣如此詞嚴義正明切曉示並將帶去兵丁揚威奮武使之聞而羣服保泰馳抵後藏即將廓爾喀情形如何之處速由六百里具奏候朕再降諭旨又諭廓爾喀人等膽敢圍困丹津班珠爾等侵犯聶拉木一事一則因當日鄂輝成德巴忠辦理不妥苟且了事以致今日復生事端彼時據鄂輝等奏但稱一切事務俱已妥為安置欠項俱已還清爾喀遣使進京瞻覲其欠項如何擬定歸還以及兩造立結之處並未具奏顯係鄂輝成德巴忠等急欲了事苟且完結此即鄂輝等之罪二則保泰等抵藏理合查明一面將鄂輝等參奏一面妥辦具奏何得伴若罔聞比及有事始奏稱詢問達賴喇嘛方知此事乃保泰等之大誤況達賴喇嘛之所以遣丹津班珠爾特為債目所謂查邊操兵皆屬假託彼時保泰何得並不窮詰使丹津班珠爾等曉事亦當在附近地方留心察看至廓爾喀人等所云還完一限再遣一限其餘即不追索之言亦不過詭哄丹津班珠爾等前往其意以為一經圍困之後即可為質索項乃丹津班珠爾等並不審察輕重但圖目前之利徑行往見入其術中而又懦弱過甚拆毀橋梁致廓爾喀人等疑為斷其歸路皆由保泰等未經詳察一任達賴喇嘛遣丹津班珠爾前往之所致也保泰等如能辦結此事甚妥萬一不能鄂輝到彼惟宜會同保泰等留心熟籌務期作速辦結鄂輝保泰雅滿泰均受朕重恩稍為曉事務期於事有益示外夷以大方體統廓爾喀均係內附天朝之臣僕鄂輝保泰雅滿泰宜遵安幹人員見伊等宣諭云此次爾等圍困達賴喇嘛所差之人侵犯聶拉木不過為索取債目今我等已代爾等向唐古特等追出意欲歸還汝等但汝等係歸順之臣僕遇有事故理宜聲明情節稟報大臣等求其判斷既可如數得銀而此後兩造貿易之事我大臣等亦好代汝等辦理彼此斷不至於拖欠爾等亦得永沐大皇帝恩施乃計不出此擅聚圍困丹津班珠爾侵犯聶拉木今我等將欠項追出還給汝等汝等當恭順祇領唯命是從儻執迷不返我等即奏聞大皇帝立即發兵剿滅汝等宜審度利害如此遣人往諭儻唐古特等之力不能清還即動官項代還再勒限向噶布倫等退出歸款但此意斷不可使廓爾喀人等得知要之兵固不可輕動然遇必須用兵之事亦不可吝惜錢糧因小以失大即如康熙年間為西藏之事兩次發兵前往鄂輝等惟宜相機辦理不得固執亦不可張皇失措鄂輝保泰此次若能辦妥勉贖前愆朕仍嘉予但丹津班珠爾係班第達之子班第達係西藏名門世胄藏內之人未免有畏懼逡巡之意班第達係最要之人其子為廓爾喀所困暫不能出難保其不胡思妄作鄂輝保泰

雅滿泰等宜潛行留心不露形迹至唐古特所欠庫爾喀債目究係拖欠幾限未還之處鄂輝到彼查明順便奏聞○命孫士毅署四川總督鄂輝領兵進剿廓爾喀○丁卯諭軍機大臣等前歲廓爾喀滋事朕特著鄂輝成德巴忠前往辦理乃鄂輝不思久遠寬安惟圖苟且了事致廓爾喀復肆跳梁朕以此事係鄂輝承辦已降旨仍著鄂輝前往今據鄂輝成德所奏仍遣成德督辦鄂輝受朕深恩簡用總督廓爾喀之事又係鄂輝初時辦理不善以致滋事何尚觀望不前著嚴行申飭至此事朕前交鄂輝成德巴忠會同辦理此次保奏奏到朕披覽之後將摺令巴忠閱看尚未加以責斥次日巴忠在軍機大臣前自稱此事辦理不善懇祈趕赴藏地效力贖罪經軍機大臣等代奏朕因已遣鄂輝往辦未令前往不意巴忠卽於是夜潛出投河淹斃殊堪駭異因思從前商辦此事時巴忠必自倚侍御前侍衛隨從有年又爲欽差太員凡有事件俱係自專今復滋生事端惡鄂輝成德據實陳奏心懷疑畏是以短見自戕伊旣如此鄂輝等聞知未必不至狐疑慌亂因此貽誤公事伊等不能當其咎也著傳諭鄂輝等令其安心奮勉馳赴藏地如將此事安辦完竣朕必加恩寬宥以功抵罪倘仍苟且了事不爲久遠之計鄂輝更何顏見朕耶至保泰見已自前藏往扎什倫布所有事務卽著保泰相機辦理不必等候鄂輝爾喀雖係絕域但其人不無說計保泰於臨近時務須留心防範不可輕視萬一爲其所欺於國體大有關係保泰惟當慎之又慎○戊辰諭軍機大臣等據陳用敷奏阮光平奉到端陽節恩賞並諭旨一道硃批金簡原摺一併具表謝恩將表文進呈朕閱該國王表內情詞懇切感戴惻忱出於至誠流露甚爲喜悅又據該國王表內稱前經奉旨查尋黎維那弟妹眷屬起送北上而伊等內懷憂阻尙無消息今奉廷寄遵旨諭知黎維那弟妹教養不安本分其眷屬毋庸查訪等語從前黎維那到京後賞給俸祿糧建蓋房屋伊尙向感激朕恩情願在京居住是以降旨令阮光平爲之查訪弟妹眷屬送京使其一家團聚乃黎維那聽信黃益曉等唆使滋事經金簡等詳加曉諭伊仍屢次違稟訓飭不悛是以諭知阮光平毋庸將伊眷屬尋訪此皆黎維那愚情無知福分淺薄不能承受朕恩其咎實由自取著將阮光平表文並硃批金簡原摺一併發交金簡令傳黎維那閱看並著傳旨曉諭黎維那如伊自知改悔循分安居尙可承受恩眷仰荷生成德再復萌妄念不知安靜守法必當重治其罪不能再邀矜宥也

九月乙亥調謬穆親爲理藩院侍郎吉慶爲戶部左侍郎

由兵部左調

○丙子

上駐蹕避暑山莊○丁丑諭軍機大臣等庫爾喀人等肆

行滋擾侵佔地方將噶布倫等圍困執去但唐古特人等賦性懦弱見敵則走遣發大兵又不能過賊痛剿而我兵一撤庫爾喀又復乘圓前來今據軍機大臣等奏稱庫爾喀與西藏接壤從前伍彌泰薩刺善駐紮辦事之時卽有因私事起釁搶掠地方及圍困使人之事旋復和好仍舊通商無關係要駐藏大臣但付之不問卽前年庫爾喀搶掠唐古特宗喀濟甯地方之事慶麟張皇失措不計事之輕重冒昧具奏以致大費氣力始得完事若照前令其私下完結何至如彼等語極邊小夷彼此劫掠乃其常情軍機大臣等皆知其土俗乃保泰等在彼反不知乎國家帑項豐盈士卒眾多發兵前往爲一勞永逸之計誠無所惜但庫爾喀因利相爭

遣兵前往伊等不敢抗拒望影奔潰勢必藉賴請降若允其請而班師唐古特人等又不能守約善鄰每因小利而激變又復呈請代爲辦理似此牽纏殊屬不成事體此次之事卽其明證觀保泰等此次所奏懇係憶及前歲慶麟曾經具奏始效尤而爲之保泰鄂輝在藏亦屬多年該處實在情形自必稔知著傳諭鄂輝保泰此事究竟應否作何辦理俾其私下完結之處盡心熟籌各抒己見據實奏聞○諭青海等處番子歸西甯辦事大臣管理○庚辰諭本日召見新調貴州按察使顧長絳詢其祖母年已七十九歲伊母年近七旬貴州道路較遠難以就養顧長絳著調補浙江按察使其貴州按察使員缺卽著姜開陽補授○壬午諭朕偶閱嘉靖年間所刻文獻通考其序文內有命司禮監重刻以傳之語文獻通考一書於列代制度典章采摭綜覈鏤板以傳原屬表章之道但自應交與儒臣詳校精覈付諸剋稟庶於稽古崇文較有裨益乃竟付諸奄豎之手率行承辦書內句讀及所別四聲多有舛誤卽此可見嘉靖年間惟知溺志焚修耽心齋醮於政治朝綱廢弛不講此書自不值特加論說重爲駁正著將此旨錄在首冊以示朕實黜浮至意○丙戌 上自避暑山莊回鑾○己丑以王保爲盛京兵部侍郎由內閣學士遷○辛卯諭駐藏大臣凡遇噶布倫缺出倉同達賴喇嘛秉公選定出力人員奏請揀放著爲令○壬辰諭西藏見有廓爾喀等肆行疆梁搶占地方擄去噶布倫等之事保泰雅滿泰殊屬昏愼所辦均無章程除將保泰雅滿泰革職仍留該處效力贖罪外保泰所遺正紅旗蒙古都統員缺著奎林補授前往西藏駐紮辦事奎林接奉此旨急速馳驛前往西藏無庸來京請訓奎林所管都統事務仍著永琨署理舒濂從前曾在西藏坐辦事務嗣經調回軍機處行走於廓爾喀等滋事之由及如何降旨指示辦理之處舒濂尙屬知應著施恩賞給副都統職銜馳驛前往協同奎林辦理事務○諭軍機大臣等保泰等所奏以唐古特兵少賊勢甚迫欲將達賴喇嘛班禪額爾德尼移於泰甯是何言也保泰雅滿泰二人不料其喪心病狂一至於此竟是用無用之物資亂已甚幸而達賴喇嘛堅意不從儻誤聽保泰等之言竟棄布達拉而去尙復成何事體朕深宵達賴喇嘛如此通曉事理而所屬堪布及各喇嘛亦共知大義堅心保守其僧俗人等俱不至驚散朕心稍爲寬慰實堪嘉獎今特發大哈達一方正珠記念一串交成德等給與達賴喇嘛示朕獎悅之意至保泰雅滿泰二人遇廓爾喀滋擾之事卽心慌膽落懦怯已極殊屬負恩目下正當有事之時暫將保泰雅滿泰革職留彼效力贖罪此旨到時成德鄂輝想已先後抵藏所有欲保守布達拉之堪布大喇嘛卽著查明具奏候朕施恩賞給名號再向者朕以達賴喇嘛不能約束其弟在彼隨同居住貪利作弊於藏務無益是以令其來京今觀達賴喇嘛能毅然決斷甚有識見著加恩令伊弟羅布藏根敦扎克巴同至西藏仍隨達賴喇嘛居住以資奉侍俟今歲年班堪布等來京時附便同回成德等先將此旨告知達賴喇嘛但其弟至藏時仍不可令其管事除就近曉諭舒濂外並諭令鄂輝知之○甲午諭軍機大臣等廓爾喀侵占聶拉木濟噠竟敢犯至扎什倫布若不痛加懲創斷不能使之懾服前此所言償債之事竟無庸提及著鄂輝成德卽向廓爾喀諭以爾等受大皇帝隆恩封爲王公乃敢如此妄爲甚屬可惡爾等搶奪唐古特地方較所欠之債已越數倍爾等將所有搶奪物件卽行呈交方可飭令在藏

番民遠沒欠債若不至出豈但不償汝債並且與節問罪痛加戮殺將此明白曉諭後即整齊軍旅痛加懲罰但計鄂輝成德到彼需時奎林爲日更久見值冰雪之時賊匪定已回巢一俟來年雪化後務須宣示兵威深入剿殺使之畏懼帖服方爲一勞永逸之計見今所謂兵數略少奎林鄂輝成德等公同商酌或遣兵或降番再調一二千名俟其到齊進剿奎林成德各領一隊分爲兩路前進鄂輝自領一隊由嘉拉木接應後路不可稍存輕忽亦不可草率完事務使彼恭順乞哀真心懾服不敢再行滋事方爲妥善此次雖係令鄂輝成德帶兵前往奎林舒濂駐藏辦事但一切事務總宜和衷共濟切不可分別軍務地方稍有畛域之見至成德奏接准保奏來咨不敢拘泥前旨即兼程先赴前藏撫安眾心甚屬可嘉但伊領兵甚少不可一到即輕易進兵務宜持重俟頭隊官兵到後再行奮勇打仗成德此時務須急馳到藏將賊匪情形速行奏聞○乙未轉明與爲兵部左侍郎以和琳爲兵部右侍郎學士選○戊戌 上還京師○庚子諭軍機大臣等前次廓爾喀侵擾西藏邊境時鄂輝等將就了事並未大示創懲賊匪無所畏懼又習見唐古特怯懦敢肆欺陵是以此次復來滋擾若不示以軍威則我軍甫撤賊匪復來方欲進兵賊已遠遁頻歲勞師遠涉仍屬無功終非一勞永逸之計朕意至明歲春融厚集兵力分路進討鄂輝資望較輕恐難勝統兵重任且鄂輝前在金川軍營向係守備奎林已爲領隊大臣即成德彼時職分亦在鄂輝之上今令奎林成德分路帶兵鄂輝在後路接應則奎林成德轉似偏裨恐不相下朕再四思維須福康安前往督辦方足以資統率福康安素嫻軍旅識見較鄂輝爲優且奎林保福康安堂兄平日尙稱友愛合其同辦軍務想能和衷協辦迅速厥功至鄂輝平日帶兵不甚奮勇亦不能周到朕意即令鄂輝留駐藏地辦理糧運無須同在軍營況見在駐藏大臣除奎林帶兵外止有舒濂一人在彼一切採辦糧餉及接運軍需等事均關緊要得鄂輝舒濂商同辦理更於軍行有益著傳諭福康安接奉此旨即遵程迅速來京候朕面授方略○諭廓爾喀所鑄錢文向衛藏行使原爲貪圖利息起見後又欲將舊錢停止專用新錢每銀一兩止肯用錢六箇固屬貪得無厭而噶布倫番眾人等與彼交易亦不免圖占便宜彼此惟利是圖各不相下以致復滋事端但衛藏地方行使廓爾喀錢文總緣唐古特人等向與廓爾喀交易買賣是以不得不從其便今該賊匪反覆無常肆行搶掠昨已降旨令將在前藏貿易之人梟行逐去即使廓爾喀震懾兵威懇求納款亦斷不准其再通貿易是廓爾喀所鑄錢文衛藏竟可無須行用我國家中外一統同軌同文官鑄制錢通行無滯匪匿藏地何必轉用外番幣貨况伊將所鑄之錢易回銀兩又復攙銷鑄錢向藏內交易源源換給是衛藏銀兩轉被廓爾喀逐漸易換尤屬不成事體若於內地鑄錢運往程站運進口外又多夾壩運送維艱莫若於西藏地方照內地之例安設鑄座撥派工匠即在彼鼓鑄駐藏大臣督同員役監製經理自可不虞缺乏將來勦辦事竣鄂輝當傳齊達賴喇嘛噶布倫等明白宣諭以唐古特人等懦弱無能又復固執貪利此次因伊等與廓爾喀換易錢文紛爭滋事是以大皇帝爲保護衛藏派調大兵前來勦辦俾僧俗番眾倚賴安全所有廓爾喀買易人等俱不准其復來交易永斷葛藤特於藏內鼓鑄官錢令其行用伊等舊存廓爾喀錢文梟行銷作銀兩一律使用官錢伊等

當感激大皇帝愛護深恩敬謹遵行即可永資樂利若狃於積習不知感悟仍欲與廓爾喀彼此交易行使所籌錢文則伊等竟係冥頑不靈自貽伊戚必將駐藏大臣一併撤回任聽伊等所爲即使賊匪再來滋擾亦不復過問矣如此明白諭知該處僧俗番眾自當各知醒悟遵照辦理至郭輝摺內又稱後藏距廓爾喀甚遠糧運烏拉更爲掣肘此時不進兵斷乎不可若用兵大舉於事亦覺不值看來郭輝不免有仍前畏難將就了事之見廓爾喀原屬無能此時郭輝成德等先後帶兵前抵該處賊匪自必聞風竄避但必須儆以兵威痛加懲創俾知懾服不敢再萌他念方期一勞永逸若少存將就了事之意使彼無所畏懼大兵撤後彼必復至邊境搶掠又將作何辦理僅復須調兵進剿是賊匪轉得以逸待勞反客爲主從來外夷反覆無常見兵威壯盛卽行逃竄及大兵撤去仍來窺伺往往疲敝內地用兵之道當先發制人若云道路遙遠糧運維艱豈有賊匪能來我兵難往之理郭輝等惟當相度機宜妥爲籌辦俟兵力厚集痛加剿殺使之聞風靡落不可先存遷就致留後患又諭川省籌辦糧餉及察木多等處存貯米麥藏地採買糧石止豫備見調兵丁支食若明春大舉進剿調兵近萬見備軍糧自屬不敷支用軍行以糧運爲先若臨時稍有缺之則師不宿飽安能使之楊腹進征此時先事豫籌源源接濟實爲軍興要務但近年辦理軍需多有糜費從前康熙五十七八八九等年雍正六年俱曾出師西藏調派滇省兵丁卽係由維西一路出巴塘赴藏所有糧運事宜均有辦定章程川省滇省舊案自尙齊全孫士毅富綱譚尙忠均係戶部司員出身孫士毅費滔又曾在軍機章京行走從前辦理西藏舊案想曾目覩著卽令孫士毅等詳查康熙雍正年間章程做照辦理不可照近年軍需之例稍有浮冒西藏距川省萬有餘里道途遙遠且口外均係番子地方全賴烏拉運送不能迅速將來軍營需用糧石遠赴川省調取實屬緩不濟急朕思察木多居適中之地或將察木多等處覓存糧石運送西藏再將川省附近邊界備辦軍糧撥補察木多存貯續行運送如此源源遞運庶可無虞缺乏且打箭爐以外土司地方均係種地稼麥並著孫士毅酌量情形就近採買運送道路較近既可以豫備急需又可以節省運費於軍務大有裨益至郭輝所奏藏地糧運維艱道途險遠未免有畏難之意殊不知賊匪遠來藏地口食未聞缺乏將來我兵采入賊境自當食糧於賊郭輝等到彼務須會同成德設法籌辦以利軍行總之糧餉爲兵行要務孫士毅等務須查照舊案悉心妥辦不可稍有貽誤

冬十月甲辰諭據廣東督撫福康安郭世勳奏安南國王阮光平派撥都督黎文認等帶兵駕船在觀瀾海面追獲盜船擊斃落水二十餘人生擒二犯業經就地處決仍將前次齎去賞物優加賞賚以示鼓勵等語廣東洋盜因內地官兵追拏緊急竄入安南洋面前經福康安咨會安南一體協拿該國王卽派撥兵丁在外洋認真堵緝上年據該國屯將范光章捕獲盜犯曾經優加賞賚茲復據阮光平派撥都督黎文認帶兵追獲盜船擊斃多人生擒匪犯二名卽行正法不使稍稽顯戮具見該國王感激朕恩力圖報效實堪嘉獎著加恩賞給阮光平金花段二匹八絛段二匹紅呢一板果乾一匣奶餅一匣以昭優眷黎文認奉委緝盜認真巡哨甚屬奮勇出力亦著加恩賞給五絛段二匹用示獎勵至該國王前遞到謝恩表文其感戴惓忱實屬至誠流露已於表文內用殊

筆批答著一併發交阮九平閱看該國王渥受朕恩仰邀獎益當倍加感奮不必差員及特表謝恩也將此諭令知之○乙巳諭
開鴻元前任江蘇巡撫任內於高郵州句容縣書役僞串假稟侵那錢糧兩案遽延不奏始則有意徇徇繼復飾詞掩蓋種種廢弛
貽誤其罪甚重經大學士九卿按律問擬改爲監候本屬罪所應得但念開鴻元於高郵句容二案辦理錯謬之處曾經降旨查訊
實係徇庇屬員心存迴護任內尚無別項貪黷軌情節此等庇護徇私之事各省督撫中卽不能保其必無特未經敗露得以倖
免耳聞鴻元羈禁固圉已經族餘且年逾七旬著加恩卽行釋放伊精力已衰並非不可少之人亦不足再加鉅用著卽令其回籍
閉門思過開鴻元益當感激朕法外施恩自知愧悔○丁未原任西藏辦事大臣保泰奏廓爾喀賊氛搶占扎什倫布旋於九月初
一日圍擾營官寨官兵施放槍礮殺死賊首一名賊眾數十名將寨固守夜間賊匪將附近唐古特積穀焚毀調軍機大臣等廓爾
喀賊匪侵擾後載志在搶掠斷不能在彼久住朕早已料其必思竄回今賊匪將唐古特糧倉焚毀可見賊匪自知勢難久留急思
遁去是以將積聚聚行焚毀若賊匪尙欲在藏滋擾則此項糧石正可掠食豈有轉行燒毀之理看來賊匪無能斷不敢擾及前藏
況前藏距扎什倫布不過數日路程賊匪於八月二十一日占據扎什倫布距保泰發揚之時已及兩旬儻賊匪果有覬覦前藏之
意豈有遲之多日尙在後藏紮守耶此時鄂輝成德帶兵到彼賊匪自已早竄但必須備以兵威痛加勦戮方可使之畏懼不敢再
萌窺伺今鄂輝成德先後奏到各摺俱不免有將就完事之見殊不知朕之初意原不欲勞師遠涉今賊匪肆行侵擾竟敢搶占扎
什倫布不得不聲罪致討非彼乞哀可完之事若因賊匪已遁遂思就事完結使賊匪無所畏懼將來大兵撤歸賊匪復來滋擾又
將作何辦理豈有堂堂天朝轉爲徵外番賊寨之理此事勢在必辦孫士毅鄂輝成德惟當堅持定見將調派兵丁籌辦糧餉各
事宜通盤籌畫俟明春大舉時軍食充裕兵力壯盛一俟雪化卽可窮追深入痛加勦殺以爲一勞永逸之計至都司徐南鵬帶兵
固守營寨尙屬奮勉俟應升缺卽行升用以示鼓勵○諭保泰奏據報廓爾喀布羅卜藏凱木楚克桑稱仲巴呼圖克圖於賊匪
未到之先將細軟物件搬至東喀爾藏匿其扎什倫布廟內有攸仲喇嘛及四學堪布喇嘛在吉祥天母前占卜妄稱占得不可與
賊接仗以致眾心惑亂不復守禦皆行散去致被賊匪占據等語實爲可笑可恨攸仲堪布喇嘛等皈依佛教見賊匪侵擾佛地自
應督率眾喇嘛等極力保護乃竟假託占辭妄行播惑以致喇嘛番眾皆無固志相率散去似此喪心叛教之徒若班禪額爾德尼
尙在扎什倫布亦必委之於賊甚或竊獻降賊皆不可知其情罪實屬重大著傳諭鄂輝等到彼後卽查明占卜惑眾之攸仲喇嘛
及四學堪布喇嘛等係屬何人卽行正法至仲巴呼圖克圖帝領眾喇嘛看守扎什倫布一聞賊匪信息卽先期逃避委之不顧本
應一併正法但念係班禪額爾德尼之兄姑從寬典卽著雅滿泰率解來京其爾卓特巴之缺著緩期堪布補授至賊匪雖已將扎
什倫布搶占但其勢不能久住心已竄回該處廟宇係屬重地班禪額爾德尼駐錫之地經賊蹂躪僧離析必應亟爲整頓加意安
輯見在班禪額爾德尼隨從之人自必尙多鄂輝成德抵藏時卽派新放爾卓特巴之緩期堪布速往扎什倫布妥爲安撫清查貴

財以便將來平定後班禪額爾德尼安禪棲止僧眾等亦各復業不致失所方爲妥善○戊申以吳省爾爲內閣學士由詹事選○壬子諭據保泰等奏稱廓爾喀賊匪來至後藏入扎什倫布廟中肆行擄掠將塔上儀仗綠松石珊瑚等摘去即皆遁回又稱居古特等聞廓爾喀來侵聲息前藏人眾盡皆驚擾妄行逃避雖稱奉達賴喇嘛而實無愛護之心達賴喇嘛班禪額爾德尼不可在藏居住請移於泰甯或西甯居住等語所奏竟是在謬廓爾喀賊匪侵擾之事奏到之初朕即謂此等賊匪不難辦理不過稍事搶擄一聞內地大兵將至即當遁歸今果逃避歸去矣夫自賊匪擾動保泰即怯懦驚懼全無措置主見今賊匪既已遁歸又不追趕勤殺欲將達賴喇嘛班禪額爾德尼移於泰甯西甯是誠何心賊匪入扎什倫布廟中止將塔上儀仗綠松石等物乞去隨即遁歸可見賊匪不過如鼠竊者流初無伎倆既已逃遁正宜尾襲隨後攻殺保泰何並不追趕乃竟畏葸意欲將達賴喇嘛班禪額爾德尼向內遷移耶保泰係納穆扎爾之子朕念伊曾經駐藏平日尙屬曉事遣伊往藏辦理一切事宜自必較他人有主見是以令伊前往不意頓值此事竟至昏亂驚張出人意表可笑亦可恨也即如雅滿泰尙知上緊追賊此猶略有人心保泰如此怯懦實屬不堪今賊已退回而欲將達賴喇嘛班禪額爾德尼內移是竟將藏地棄捨乎設使賊人得據藏地更思進取遂將察不多裏塘巴塘漸次退讓並將成都亦讓與賊人有是理乎藏地乃 皇祖 皇考再三動用兵力略定之地不惟不可因此小醜騷擾運行棄置且藏地棄而不取令達賴喇嘛班禪額爾德尼及其徒眾安插何地甚不成事此斷非雅滿泰之意雅滿泰前曾辦理此事若果有其意亦必具奏矣此必保泰之意朕自御極以來累年辦理大事從無畏難取所稔知者今八旬有一 臨御五十六年豈有處此區區小醜之事反至爲開門揖盜之舉乎保泰即不自思視朕爲何如主也保泰之意不過以爲將達賴喇嘛班禪額爾德尼移於泰甯或西甯居住後伊便可脫然歸家坐享安逸不意納穆扎爾而竟生此子保甯而有此弟也將此令保甯聞看想伊亦必痛恨其弟也仍著交鄂輝到藏時傳旨將保泰用重枷永遠枷號在該處示儆查明保泰之子有居官者著革職以示儆戒達賴喇嘛班禪額爾德尼居住前後藏扶持黃教振興佛法歷年甚久凡蒙古番子等無不瞻仰藏地朕如此辦理者原爲維持黃教起見著將此旨傳示在京之呼圖克圖喇嘛等俾知朕於憫達賴喇嘛班禪額爾德尼及全境唐古特人眾維持黃教之意再以蒙古文譯出遍諭中外各蒙古人等知之○癸丑諭據勒保等奏潼關城垣工程修理完竣請派大臣驗收當經派和琳馳驛前往詳查履勘據和琳奏稱該處工程從前經巴延三德成會同勘估時將不應添修之水關泊岸等工程率行浮估並城上添建堆撥房七十二座尤屬虛糜帑項以致用銀一百三十萬兩之多見擬大加刪減等語因令軍機大臣傳到巴延三德成俱係革去頂帶之員即著革任自認糊塗錯誤無可辭是其任意浮估已屬顯然見在和琳會同奏承恩在該處覈實查辦巴延三德成俱係革去頂帶之員即著革任自備資斧速行前往潼關工所眼同和琳等當面講求以服其心所有戶部尙書員缺著福長安調補其工部滿尙書員缺著金簡補所遺工部漢尙書員缺著加恩以彭元瑞補授伊係甫經獲罪之人念其學問尙優自降用以來辦理工渠實爲尙知奮勉是以加恩錄用

對元瑞益當感朕恩倍加謹慎勉圖後效無負朕肯過施恩至意○乙卯以劉樞之為禮部侍郎由左副都御史遷

庫倫辦○丙辰吏部議准兩廣總督公福康安奏廣西太平府龍州緊接安南地界見在開關通市稽查商民所關尤重通判職分

較小難資彈壓查潯州府同知附郭事簡應請改為通判龍州通判改為同知從之○丁巳俄羅斯懇請開市允之○戊午論軍機

大臣等前經降旨令鄂輝等將巴勒布在前藏貿易之人全行驅逐此項人等自康熙年間即在前藏居住皆有眷屬人戶眾多不

下數千名口自必安土重遷不願移回而藏內番民與之婚姻已久若一時押令出境辦理稍有不善或致別生事端更非朕安集

後藏倫俗之意此時賊匪業已竄回須俟明春雪化時大兵始行進剿所有驅逐巴勒布一節亦非見在刻不可緩之事總俟福康

安到彼後再行體察情形妥協酌辦鄂輝等不可因接奉前旨稍有拘泥也○庚申諭廓爾喀賊匪侵擾後藏一事朕於保泰初奏

到時即料及賊匪無能不過志在搶掠亟思竄回節經降旨指示保泰等在彼若能稍知調度督率堵禦賊匪自不敢擾及後藏乃

保泰怯懦性成一籌莫展性知張皇其事紛紛違調滇省及各處官兵赴藏援救甚至知會青海地方令其防備竟不思及各處地

方距藏遼遠官兵抵藏賊已早竄徒使多兵坐食糜費軍糧况前後藏地窄人稠盡藏亦少見經賊匪搶掠若驟添各處調派之兵

必致不敷支食將來大兵進剿之時轉致糧餉缺乏採辦維艱經朕屢次將所調官兵停其進發屆期再行調往儻如保泰所奏勞

師糜餉擾累番人更復成何事體本日據保泰奏賊匪逃遁後戴綱等進至僧格仔地方賊匪因攜帶物件累重自行燒毀仍由撤

迦一路逃回等語賊匪無能已可槩見從前賊匪侵犯時保泰親往後藏果能督率堵截無難痛殲賊眾亦何至扎什倫布等處為

其蹂躪無如保泰一味畏葸甫聞賊至信息即帶同班禪額爾德尼退至前藏以致扎什倫布喇嘛等無所倚仗各思奔避而致仲

堪布等復於吉祥天母像前占卜妄託神言惑眾人心洩散使賊匪乘虛占據肆行搶掠是扎什倫布並非賊匪所能攻陷竟係保

泰委之於賊又何異開門揖盜乎保泰既將後藏失去避至前藏時又欲將達賴喇嘛班禪額爾德尼移住泰甯猶幸達賴喇嘛及

各寺堪布大喇嘛等深知大義堅詞以拒未經內徙及賊匪逃竄後保泰仍欲仗官軍之威劫達賴喇嘛班禪額爾德尼移住泰甯

或西南等處竟棄藏地與賊真成笑話不意悖謬至此試思衛藏為崇奉黃教之地各蒙古番眾素所皈依今一旦將達賴喇嘛班

禪額爾德尼移至泰甯西南地方不特眾蒙古番眾無從瞻仰即該處僧俗人等亦皆為賊所擄賊匪原因後藏空虛始行占據設

前藏亦無人守禦賊匪亦必乘虛而入從此逐漸侵占則察木多巴塘裏塘等處亦將委之於賊有是理乎保泰如此恇怯昏愴惟

思率先退避以全其身而於賊匪情形從未奏及即不能奮身打仗亦當擒一生口詳詢賊眾虛實即雅滿泰尙知趕赴江孜防守

而保泰竟安坐前藏碌守不前種種貽誤其罪甚大該處政仲堪布喇嘛占卜惑眾已令鄂輝等將首先起意之人查明辦理並將

保泰革職在該處不逞枷號及伊子有官職者全行革退尚不足以蔽辜著鄂輝等到藏後將保泰喚至達賴喇嘛班禪額爾德尼

前對眾眼同傳旨重責四十板再行枷號仍將諭旨內指出保泰種種貽誤緣由向達賴喇嘛班禪額爾德尼濟甯呼圖克圖及各

呼圖克圖大喇嘛等明白宣示以服其心並令保泰據實登各具奏至賊匪來藏侵擾若止因索欠起釁在邊境搶掠原不值與師大辨今竟敢擾至扎什倫布則是冥頑不法自速天誅此而不聲罪致討何以安邊境而懾遠夷耶朕臨御五十六年平定準回部大小兩金川拓地開疆遠徼悉入版圖況衛藏為我 皇祖 皇考戡定之地久隸職方俗俗人等皆膏肓化育有餘年況該處為歷輩遠賴喇嘛班禪額爾德尼駐錫之地蒙古番眾素所崇奉若任小醜侵陵置之不問則朕數十年來所奏武功豈轉於此等微外么庸不加撻伐是此次用兵實朕不得已之苦心此天下臣民所共見者並非好大喜功窮兵黷武也著將前後辦理緣由通行宣諭知之○諭各省督撫文武官員請貤封者俱限年終彙奏著為令○王戊諭軍機大臣等吳省爾爾謝升授內閣學士恩摺內有宣批諾之謨一語其意內閣學士職司批本故用批諾二字但史冊所載如後漢之南陽宗資主畫諾係指太守不事事而言南齊江夏王肅傳學畫鳳尾詔係屬藩王典故均與批本無涉即朕批閱奏摺用硃筆批寫覽字亦不謂之批諾是諾字雖係用古此處殊欠切當朕從不以語言文字責人因該學政尚稱讀書人摺內用字未安降旨訓示伊亦不必稍有畏懼也將此諭令知之○癸亥諭軍機大臣等據孫士毅奏籌辦糧運各事宜實在盡心可嘉之至摺內稱軍行所用糧石從內地運至西藏每石需價三十餘兩若就藏地採辦即倍價收買每石不過三兩等語若能如此則所省至十倍尤見盡心籌賑不致帑項虛糜節經降旨不令多兵前往坐食藏米亦即為此孫士毅務常事如此酌籌妥善俟明春大兵進剿時使糧餉得以源源接濟即孫士毅一人之功也著隨報賞給孫士毅御用大荷包一對小荷包四箇以示獎勵至口外軍糧全資烏拉運送向來官給價值值土司既有從中剋扣之弊烏拉因之裹足不前或中途拋棄脫殊有關繫或令地方官將應付價值當面散給俾孫烏拉之番眾咸受實惠自必更加踴躍並著孫士毅酌量辦理若土司等果能急公報效不敢暗中剋扣上緊雇備運送所有應給價值仍可發交土司轉給不必拘泥道員孫士毅自能仰體朕心辦理俱臻妥協也○甲子諭近來大學士九卿奏事及各衙門帶領引見朕於夙興之時一經詢問即據奏事處奏稱俱已伺候齊集朕因年高小寐每當丑寅之際即垂衣待旦日以為常而諸臣因請駕較早率皆先時祇候且漢大臣中多有住居城外者趨朝自必更早已如詩所云東方未明顛倒衣裳殊屬無謂況自今冬月日短朕用膳辦事總在卯正以後諸臣早集朝房亦無所事嗣後各該衙門遇有陳奏事件及帶領官員引見俱著於卯正到齊亦不為遲以示體恤○祭哈爾都統烏爾圖納遜奏蘇尼特兩旗連歲旱亢自蒙恩賑濟後雨澤如期年穀順成野外滋生楚拉若勒甚屬豐稔比戶俱收藏穀冬各處就食者俱回家業業臣所管戈壁內十餘臺站亦廣產楚拉若勒該處人等所收足支來歲青草發生以前之用謹囊封進呈御以沙達米詩序曰蒙古東西蘇尼特連年被旱已即優加賑恤茲據察哈爾都統烏爾圖納遜奏前歲蘇尼特野外所生楚拉若勒功居人藉此餬口並糴貯呈覽是米內地所無詢之亦無知者恭聞 皇祖御製幾暇格物編有曰沙達米者枝葉叢生如蓬米似胡麻而小可為餅俱茶湯之需凡沙地皆有之鄂爾多斯所產尤多云云今詢之蒙古人與 幾暇格物所言形狀悉合且東西蘇

尼特地達鄂爾多斯則楚拉啓勒即爲沙達米無疑是米贊之鮮有滋味而荒年賴以全活者甚取覽奏爲之心惻且慰因成是什

詩曰東西蘇尼特前歲遭沿饑由令主夏秋雨澤未滋所願沙達米沙地自生斯然亦竟因是資食邇在時聞之心惻然遣賑銀

米施天恩幸轉旋膏霽需如期嗟嗟蒙古奴乃得免流離達米亦稔熟戶戶飽煖炊烹來一試嘗例草樹皮北望心雖慰調羹愧

目知○調松筠爲戶部左侍郎部調○乙丑論國初以來設立議政王大臣彼時因有議政處是以特派王大臣充充辦理自雍正

年間設立軍機處之後皆係軍機大臣每日召對承旨遵辦而滿洲大學士尙書向例俱兼議政虛銜無應辦之事殊屬有名無實

朕向來辦事上崇實政所有議政空銜著不必兼充嗣後該部亦無庸奏請○己巳諭前因潼關城垣工程巴延三德成會同勘估

時將不應添修之水關泊岸堆撥率行浮估虛糜帑項經和琳查明具奏當即降旨將巴延三德成革任前往潼關工所眼同和琳

當面講求以服其心茲復據和琳將查收潼關城工分晰刪減數目據實覈奏內如南北水關二座券洞之上止須隨城安砌排垛

字牆儘可備觀今德成做箭樓式據成造於兩關添建間樓懸挂千斤閘板每塊重五千斤非七八十人不能啓放試思水關安設

閘板所以禦水而非所以禦寇即爲防人起見平時放下適遇灌水猝至不能拽起轉致阻遏城內淹浸民居是防患而適以滋患

如荊州前年之合城皆水雖下愚無知亦不糊塗若此而其上復添蓋箭樓巍峩聳峙殊屬無謂又城上建堆撥房七十二座無人

看守尤爲虛設潼關在漢唐時原爲雄鎮安設重丘自不能不於城上建設堆撥今昔異勢潼關向不如直省之一垣並無重兵在

彼駐守又安用此堆撥爲耶至自西門至東門一帶城身係依山腳建築原屬堅實從無衝決之患乃德成因有添建泊岸之舉轉

將山腳削去是從前山腳之土木堅無須泊岸以護城根而今日泊岸之土浮鬆必須挑溜以資捍禦且應時時修築矣種種錯誤

實出情理之外且券洞安設千斤閘一節曾經金簡在朕前奏及伊向德成講論德成以明季李自成到潼關時會從券洞內潛過

此言尤爲可笑李自成在明季橫行蹂躪殘破郡縣不可勝計又安能處處爲之設備此等妄論直同夢囂總之德成性成自高固

執前辦理河工與阿桂意見齟齬即其於工部同僚中素所嫉惡者莫若金簡而於福長安亦情同水炭皆朕所素知其意以爲與

此數人不和斷不能在朕前攻摘其短而伊平日又以廉介自居工程復稱爲諸習諒必爲朕所袒護故敢於勘估潼關城工一事

固執已見任意率行即被時巴延三泰承恩俱有不必如此大修之語向其論辨而德成竟置之不顧蓋欲藉此得有沾潤以爲肥

己媒老之資而舉朝大臣相視皆莫敢誰何以致營私執勘虛糜帑金至一百三十餘萬之多其居心實爲可惡德成前已革任著

卽革問令巴延三押解來京交刑部治罪巴延三既知德成勘估過當與之議論不從卽應據實奏聞乃亦隨同附和固難辭咎但

念其本係庸懦無能之人業經革任免其置議至工部堂官於德成濫行勘估之處未能指駁照估題覆亦有不合著交部議處餘

仍著軍機大臣會同議奏

十一月壬申朔諭軍機大臣等據保奏賊人占據孟拉木定結等處不肯遵行退回一節此正極好機會昨鄂輝亦奏稱賊匪見

在濟龍蕭拉木等處觀望拒守看來尚未退回巢穴此時彼處大雪封山歸路阻絕竟係天奪其魄神靈不佑故令其逗遛邊境坐待殲誅若郭輝成德行程迅速早抵藏內已將賊匪痛殲無遺乃行走滯滯失此機會實爲可惜郭輝成德既已遲誤於前趁此時賊匪觀望稽留欲歸無路務當先後星速趨程奮勇前進跟蹤剿殺若能一鼓殲誅更可早期肅事稍贖前愆儻再仍前遲誤致賊匪聞風先遁則是伊二人放走賊匪其罪尚可問乎再詳閱保奏摺內稱廓爾喀前次拘留之噶布倫丹津班珠爾及漢兵二人見已帶同巢穴看此情形或賊匪頭目已經退去因議其輜重恐被官兵追截故留餘匪屯聚該處作爲疑兵殿後以便從容竄逸郭輝成德應察探虛實如果賊匪逗遛尚未退去則進退無路正可整頓兵力乘機痛剿若係賊人詭譎之計留此游兵冀圖官兵不能追趕自當酌量帶兵前往擒捕不可爲其所愚輒墮賊人奸計也○癸酉諭廓爾喀賊匪滋擾後藏見派福康安帶領巴圖魯侍衛章京等統領勁兵進剿以期迅奏膚功福康安著授爲將軍海蘭察奎林著授爲參贊其餘隨在軍營及派往各員俱著在領隊行走庶軍行有所統攝以專任使○諭軍機大臣等見令福康安前赴西藏由青海一路行走令勒保奎舒將青海眾扎薩克馬匹調撥西甯關外聽候福康安等到時乘騎朕爲辦理廓爾喀之事皆所焦勞此時令福康安晝夜遡行計限四十日即抵藏中將彼處情形速爲奏聞朕心始得稍慰今思西甯至藏尚有二千七百餘里備中途不換馬匹由青海直騎至藏恐馬力疲乏轉致欲速反遲著奎舒將馬匹預備二分其一分仍於西甯關外等候俟福康安等一到即用不至遲誤再另備一分先派委員押送至尼雅瑪善地方守候以備易換但青海一路有水草之地遠近不一備扎薩克趕辦馬匹一時不能全到或即將綠旗之馬通融辦理亦無不可見在勒保在蘭州無甚緊要應辦之事蘭州至西甯尙近著勒保即速起程前往西甯與奎舒面晤熟籌安議務期勿分畛域公同商辦再藏內摺奏向由四川一路齎送到京程途遙遠亦甚紆折雖限行六百里往還亦需五十餘日今查西甯到藏路平且近較爲便捷著勒保奎舒即將甘肅各營及青海眾扎薩克等之馬調撥數十匹從西甯至藏界依照康熙年間之例安置驛站專爲馳送以專責成至海蘭察等帶領巴圖魯侍衛章京及調遣索倫兵一千名亦即陸續起行由西甯前往伊等所騎馬匹及應用銅帳等物亦著勒保奎舒豫爲料理毋致臨時竭蹶朕又思驛站事務最關緊要若僅責諸弁兵等辦理究恐未能妥協甘肅藩司景安身係滿洲且係地方大員理應隨同經理又西甯辦事大臣衙門內見有蒙古章京可派令辦理站務著勒保奎舒即傳諭景安及該章京等隨同福康安從西甯至青海一路妥協豫備即留章京在彼查察景安隨福康安至藏會同該處理藩院章京將藏中回至青海沿途驛站之事妥爲安頓景安方可回任至景安起程赴藏之時所有甘肅布政使印務即交按察使署理將此各諭令知之○丁丑諭上年高郵州假串冒徵一案係巡檢陳倚道揭報破案審辦得實被誘若將該巡檢卽爲擢用恐各省閭閻效尤致起告許之風是以未卽加恩升用但該巡檢於書吏通同舞弊之案竟能首先揭報不避嫌怨所告皆實究屬持正見在事隔年餘著該督卽將該巡檢陳倚道送部引見○戊寅諭軍機大臣等前據保奏廓爾喀地方有紅帽喇嘛沙瑪爾巴呼圖克圖

係仲巴呼圖克圖之弟訪聞伊弟兄彼此相仇此次賊匪至藏侵擾即係沙瑪爾巴昭害伊兄之意等語沙瑪爾巴與仲巴呼圖克圖何以兄弟竟若仇讐此語究係得自何人總未據保奏明此事殊有關係沙瑪爾巴與伊兄仲巴舊有仇隙竟敢勾引廓爾喀滋擾後藏以洩私忿甚為可惡而撒迦廟內喇嘛等前次向賊匪投遞哈達者亦係紅帽喇嘛顯有與沙瑪爾巴彼此勾通情弊或竟係沙瑪爾巴等欲衰黃教以與紅教故勾結廓爾喀賊匪前來滋擾亦未可定福康安到藏後務將沙瑪爾巴與仲巴何以彼此成仇及紅帽喇嘛果否欲衰黃教之處密訪嚴查相機辦理又上次巴忠到藏辦理廓爾喀一事因沙瑪爾巴欲來相見會賞朝珠段匹等物彼時沙瑪爾巴並未來藏巴忠亦未與見面所有賞給物件雖前據巴忠奏稱業經差人送給但沙瑪爾巴曾否領收究無確據或巴忠於此事另有情弊故爾輕生自盡並著福康安一併確查具奏○庚辰諭福康安前因灑帶不植一案會同公俸十年尙有未經扣完銀六千餘兩見令前往西藏辦辦廓爾喀滋擾後藏一事需費較繁所有前罰公俸除交納外餘著加恩寬免以示體恤○以汪承需為左副都御史由順天府尹遷○辛巳諭上次廓爾喀因鹽稅細務與唐古特人等彼此爭執鄂輝成德同巴忠前往該處查辦並不能剖斷明確一切皆聽從巴忠認為辦理以致復滋事端茲巴忠畏罪自戕伊二人本有應得之咎經朕格外加恩不即問罪仍令帶兵赴藏立功自贖鄂輝成德理應倍加奮勉迅速遣程剋期抵藏剿殺賊匪以贖前愆今伊二人在意延緩每日止按站行走出口多日尙未到藏節據保奏報兩喀賊匪於搶掠扎什倫布之後尙在定結第哩浪古等處逗遛觀望未經退回此正天奪其魄俾其坐待殲誅若鄂輝成德行程迅速早抵藏內即可跟蹤追剿賊無遺乃竟滯滯不前坐失機會其錯謬甚大豈可復膺封疆專閭鄂輝著革去總督賞給副都統銜駐藏辦事仍令督廉幫辦成德亦著革去將軍賞給副都統銜在領隊大臣上行走聽候福康安調度差遣鄂輝成德均係獲罪之人今復加委任務須激發天良勉力自贖以觀後效若再仍前貽誤必當從重治罪斷難復邀寬貸所有成都將軍著奎林補授仍在參贊大臣上行走其未到任以前仍著觀成署理俟軍務告竣奎林再赴新任四川總督員缺著惠齡補授其山東巡撫員缺即著古慶補授惠齡見已諭令來京陛見俟將衛藏應辦事宜面加指示後即馳驛赴藏先在參贊大臣上行走同福康安辦理辦辦廓爾喀賊匪事竣再同成都接印任事見在應行備辦軍需糧餉等項孫士毅悉心籌畫均極周詳仍著在彼一手經理俟惠齡事竣到任再行交印起程來京供職其應支總督廉俸仍著孫士毅惠齡各半支領以示體恤○諭奎林從前出兵打仗回屬勇往但平日辦事往往有性情執拗失之過當之處近年以來惟在臺灣總兵任內辦事一切事件尙為認真妥協是以疊加擢用見因派赴西藏復命伊家計維艱令管崇文門稅務並留惠倫在京代為辦理奎林接奉後自當感激歉忻倍加奮勉嗣後辦理諸事務須痛改舊習刻自提撕總期於國家公事有益不可任意偏執致辦理不能得當也○癸未召額勒春來京以陳准為貴州巡撫○丙戌轉慶成為戶部左侍郎以額勒春為戶部右侍郎○丁亥以特克慎為山西按察使

由通政司參議遷○戊子諭軍機大臣等勒保奏接准奎舒來咨稱青海口外俱係草地時值隆冬冰雪甚大牧養維艱牧飼缺